



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

7. quia sicut sonitus spinarum ardentium sub
ollâ, sic risus stulti: sed & hoc vanitas.

METRICA PARAPHRASIS.

VT regno pluuij Iouis
Nimbus turgida nubila
Arctoi Borea rigor
Acri flamine dissipans
Detergit liquidum æthera;
At contrâ imbricator Notus
Leni murmure sibilans
Subtexit nebulis polum,
Astrorumque operit faces:
Sic frons tristior adspici,
Et risu potior, graui
Regnans ore seueritas,
Obiectu scelerum hispidis
Tergit nubila mentibus,
Nec Suade eloquio est opus,
Vt per praua ruentium
Frænet præcipites gradus.
Sat censore oculo increpans,
Mutâ voce loquacibus
Maiestate supercill
Pondus nutibus adûcit.
At vultus hilares nouum
Semper parturiunt scelus,
Dum laus dira patrantibus
Blanda interuenit obstetrix,
Applausuque alitur nefas.
Quis vos, ô stolidi, furor

Hor-

*Hortatur puerilibus
Mentem pascere risibus?
Quis ludos gerula, & iocos,
Et plausus melimelaque,
Sectarique crepundia?
Nescitis, sapiens quibus
Sese deliciis beet?
Virtus letitiæ insolens
Rebus pascitur arduis.
Per lugubria funerum,
Per ludibria temporum,
Præclarisque laboribus
Iunctas inuidiæ faces,
Affectat sapiens polos.
Illi pectora circuit
Custos iustitiæ rigor:
Illi gaudia parturit
Luctus letitiæ parens.
At cor stultitiæ dapes
Inter & Bromium natat:
Nil dignum fatuus viro
Molitur, nihil arduum
Designant residues manus.
Per lusus, veneres, iocos,
Ævum degener exigens,
Hoc se suspicit vnico
Regum culminibus parem,
Si stultum populi fauor
Fausto murmure luserit.
Quam non perniciem ingerunt
Voces blanda canentium,
Venalisque loquacitas,*

Cum

Cum dant auribus omnia,
Nil cordi? O Procerum lucem,
Sceptrorumque potentium!
Hoc fastigia Principum
Fido subsidio carent,
Libertate morientium;
Et quæis omnia suppetunt,
Vna hos destituit fides.
Ah! ne me similis furor
Vulgi flatibus incitum
Per ludibria fluctuum
Turpi naufragio obruat.
Discerptum potius inuet
Flagris à Sapientie
Vitam ducere vulnere,
Quam popysmate decipi
Stulto stulta canentium.
Nam quid blanditiæ obstreperunt
Casso iudicii sono?
Ut flamma populans fragor
Imbellem stipule struem,
Spinarumve loquacium,
Nil præter strepitum ciet;
Sic fucata loquacitas,
Quæ passim vitio fauens
Pulvillos cubito adsuit,
Aures iustitiæ indigas
Casso murmure verberat.
An non hæc quoque Vanitas?

PROSA